

全唐詩

全唐詩

全唐詩目 第一函

第二冊

太宗皇帝 一卷

高宗皇帝

中宗皇帝

睿宗皇帝 共一卷

明皇帝 一卷

肅宗皇帝

德宗皇帝

文宗皇帝

宣宗皇帝

用書藏

全唐詩目 第一函 第二冊

昭宗皇帝 共一卷

文德皇后

則天皇后

徐賢妃

上官昭容

楊貴妃

江妃 共一卷

章懷太子

韓王元嘉

越王貞

信安王禕 共一卷

宜芬公主

宋若華

宋若昭

宋若憲

鮑君徽

蕭妃 共一卷

南唐先主李昇

嗣主璟

後主煜

韓王從善

吉王從謙

蜀主王建

後主衍

吳越王錢鏐

後王錢俶

後蜀嗣主孟昶

蜀太后徐氏

閩王王繼鵬 共一卷

太妃徐氏 共一卷

羅大司會列

與羅編主書

本堂外八

關王王

全唐詩

太宗皇帝

帝姓李氏。諱世民。神堯次子。聰明英武。貞觀之治。庶幾成康。功德兼隆。由漢以來。未之有也。而銳情經術。初建秦邸。即開文學館。召名儒十八人爲學士。既即位。殿左置弘文館。悉引內學士番宿更休。聽朝之間。則與討論典籍。雜以文詠。或日昃夜艾。未嘗少怠。詩筆草隸。卓越前古。至於天文秀發。沈麗高朗。有唐三百年風雅之盛。帝實有以啓之焉。在位二十四年。謚曰文集四十卷。館閣書目詩一卷。六十九首。今編詩一卷。

帝京篇十首

并序

子以萬幾之暇。游息藝文。觀列代之皇王。考當時
之行事。軒昊舜禹之上。信無間然矣。至於秦皇周
穆。漢武魏明。峻宇雕牆。窮侈極麗。征稅殫於宇宙。
轍迹徧於天下。九州無以稱其求。江海不能贍其
欲。覆亡顛沛。不亦宜乎。予追蹤百王之末。馳心千
載之下。慷慨懷古。想彼哲人。庶以堯舜之風。蕩秦
漢之弊。用咸英之曲。變爛熳之音。求之人情。不爲
難矣。故觀文教於六經。閱武功於七德。臺榭取其
避燥濕。金石尚其諧神人。皆節之於中和。不係之
於淫放。故溝洫可悅。何必江海之濱乎。麟閣可翫。
何必兩一作山陵之間乎。忠良可接。何必海上神仙乎。

豐鎬可遊。何必瑤池之上乎。釋實求華。以人從欲。
亂於大道。君子恥之。故述帝京篇。以明雅志云爾。
秦川雄帝宅。函谷壯皇居。綺殿千尋起。離宮百雉餘。連
薨遙接漢。飛觀迴凌虛。雲日隱層闕。風煙出綺疏。

巖廊罷機務。崇文聊駐輦。玉匣啓龍圖。金繩披鳳一作鳥篆。

韋編斷仍一作方續。縹帙舒還卷。對此乃淹留。一作忘憂敲案觀墳

典。

移步出詞林。停輿欣武一作戴宴。瑀弓寫明月。駿馬疑流電。

驚雁落虛弦。啼猿悲急箭。閱賞誠多美。於茲乃忘倦。

鳴笳臨樂館。眺聽歡芳節。急管韻朱絃。一作長歌凝白雪。

彩鳳肅來儀。一作下玄鶴紛成列。去茲鄭衛聲。雅音方可悅。

芳辰追

一作開

逸趣。禁苑信多奇。橋形通漢上。峰勢接雲危。

煙霞交隱映。花鳥自參差。何如肆轍跡。萬里賞瑤池。

飛蓋去芳園。蘭橈遊翠渚。

一作梁

間日彩亂。荷處香風舉。

桂楫滿中川。弦歌振長嶼。豈必

一作獨

汾河曲。方為歡宴所。

落日雙闕昏。回輿九重暮。長煙散

一作引

初碧。皎月澄輕素。

褰幌翫琴書。開軒引雲霧。斜

一作銀

漢耿層閣。清風搖玉樹。

歡樂難再逢。芳辰良可惜。玉酒泛雲壘。蘭轂陳綺席。千

鍾合堯禹。百獸諧金石。得志重寸陰。忘懷輕尺璧。

建章歡賞夕。二八盡妖妍。羅綺昭陽殿。芬芳瑋瑁筵。珮

移星正動。扇掩月初圓。無勞上懸圃。即此對神仙。

以茲遊觀極。悠然獨長想。披卷

一作襟

覽前蹤。撫躬尋既往。

望古茅茨約。瞻今蘭殿廣。人一作道惡。慮一作高危。虛心戒盈。
蕩奉天竭誠敬。臨民思惠養。納善察忠諫。明科慎刑賞。
六五誠難繼。四三非易仰。廣待淳化敷。方嗣云亭響。

飲馬長城窟行

塞外悲風切。交河冰已結。瀚海百重波。陰山千里雪。迴
戍危烽火。層巒引高節。悠悠卷旆旌。飲馬出長城。寒沙
連騎跡。朔吹斷邊聲。胡塵清玉塞。羌笛韻金鉦。絕漠干
戈戢。車徒振原隰。都尉反龍堆。將軍旋馬邑。揚麾氛霧
靜。紀石功名立。荒裔一戎衣。靈一作雲臺凱歌入。

執契靜三邊

執契靜三邊。持衡臨萬姓。玉彩輝關燭。金華流日鏡。無

爲宇宙清。有美璇璣正。皎佩星連景。飄衣雲結慶。戢武
一作耀七德。昇文輝九功。煙波澄舊碧。塵火息前紅。霜野
韜蓮劔。關城罷月弓。錢綴榆天合。新城柳塞空。花銷蔥
嶺雪。穀盡流沙霧。秋駕轉兢懷。春冰彌軫慮。書絕龍庭
羽。烽休鳳穴戍。衣宵寢二難。食旰餐三懼。翦暴興先廢。
除兇存昔亡。圓蓋歸天壤。作方輿入地荒。孔海池京邑。
雙河沼帝鄉。循一作躬思勵已。撫俗媿時康。元首佇鹽梅。
股肱惟輔弼。羽賢嶷嶺四。翼聖襄城七。澆俗庶反淳。替
文聊就質。已知隆至道。共歡區宇一。

正日臨朝

條風開獻節。灰律動初陽。百蠻奉遐賚。萬國朝未央。雖

無舜禹迹。幸欣天地康。車軌同八表。書文混四方。赫奕儼冠蓋。紛綸盛服章。羽旄飛馳道。鐘鼓震巖廊。一作修廊組練輝霞色。霜戟耀朝光。晨宵懷至理。終媿撫遐荒。

幸武功慶善宮

樂府詩題作唐功成慶善樂舞辭。曰九功舞殿。庭朝會所奏文舞也。新唐書禮樂志曰太宗生

於武功之慶善宮。貞觀六年。辛之宴。從臣賞賜闈里。同漢沛宛。帝歡甚。賦詩。呂才被之管絃。名曰功成慶善樂。以童兒六十四人。冠進德冠。紫袴。褶長襖。漆髻。屣履而舞。舊書樂志曰。慶善樂。太宗所造也。名九功之舞。舞蹈安徐。以象文德洽而天下安樂也。冬。正享燕及國。有大慶與七德舞。偕奏於庭。

壽丘惟舊跡。豐邑乃前基。粵予承累聖。懸弧亦在茲。弱齡逢運改。提劍鬱匡時。指麾八荒定。懷柔萬國夷。梯山一作盛咸入款。駕海亦來思。單于陪武帳。日逐衛文櫜。端宸朝四岳。無為任百司。霜節明秋景。輕冰結水湄。芸黃徧

原隰禾穎積京畿。一作抵共樂還鄉一作譙宴。歡比大風詩。

重幸武功

代馬依朔吹。驚禽愁昔叢。況茲承眷一作睿德。懷舊感深衷。

積善忻餘慶。暢武悅成一作闕神功。垂衣天下治。端拱車書同。

白水巡前跡。丹陵幸舊宮。列筵歡故老。高宴聚新豐。駐

蹕撫田畷。回輿訪牧童。一作瑞氣縈丹闕。祥煙散碧空。孤

嶼含霜白。遙山帶日紅。於焉歡擊筑。聊以詠南風。

經破薛舉戰地義寧元年擊舉於扶風敗之

昔年懷壯氣。提戈初仗節。心隨朗日高。志與一作此秋霜潔。

移鋒驚電起。轉戰長河沒。營碎落星沈。陣卷橫雲裂。一

揮氛沴靜。再舉鯨鯢滅。於茲俯舊原。屬目駐華軒。沈沙

無故迹。減竈有殘痕。浪霞穿水淨。峰霧抱一作拖蓮昏。世途
亟流易。人事殊今昔。長想眺前蹤。撫躬聊自適。

過舊宅二首

新豐停翠輦。譙邑駐鳴笳。園荒一徑斷。苔古一作臺平半階斜。

前池消舊水。昔樹發今花。一朝辭此一作北地。四海遂為一作成家。

家。

金輿巡白水。玉輦駐新豐。紐落藤披架。花殘菊破叢。葉

鋪一作鋪庭荒草蔓。流竭半池空。紉珮蘭凋一作生徑。舒圭葉翦桐。

昔地一蕃內。今宅九圍中。架海波澄鏡。韜戈器反農。八

表文同軌。無勞歌大風。

還陝述懷

慨然撫長劔。濟世豈邀名。星旂紛電舉。日羽肅天行。徧
野屯萬騎。臨原駐五營。登山麾武節。背水縱神兵。在昔
戎戈動。今來宇宙平。

入潼關

嶠函稱地險。襟帶壯兩京。霜峰直臨道。冰河曲繞城。古
木參差影。寒猿斷續聲。冠蓋往來合。風塵朝夕驚。高談
先馬度。僞曉預雞鳴。棄繻懷遠志。封泥負壯情。別一作向
真人氣。安知名不名。

於北平作

翠野駐戎軒。盧龍轉征旆。遙山麗如綺。長流縈似帶。海
氣百重樓。巖松千丈蓋。一作三尺大茲焉可遊賞。何必襄城外。

遼城望月

玄兔月初明。澄輝照遼碣。映雲光暫隱。隔樹花如綴。魄
滿桂枝圓。輪虧鏡彩缺。臨城却影散。帶暈重圍結。駐蹕
俯九都。一作觀妖氛滅。

春日登陝州城樓。俯眺原野。迴丹一作碧。綴煙霞。

密翠斑紅。芳菲花柳。即目川岫。聊以命篇。

碧原開霧隰。綺嶺峻霞城。煙峰高下翠。日浪淺深明。斑
紅粧藥樹。圓青壓溜荆。迹巖勞傳想。窺野訪莘情。一作巨
川何以濟。舟楫佇時英。

春日玄武門宴羣臣

韶光開令序。淑氣動芳年。駐輦華林側。高宴柏梁前。紫